



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De mulieribus: & quòd eas viris suis subiectas esse oporteat, nec citra
eorum auctoritatem quicquam facere. cap. lxxii.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A capiunt. Nam cum quis aduersus terræ naturam dimicauit, ac labores suos terræ sterilitati opposuit, victoria testimonium quoddam apud eos refert, qui ipsius in colendo aruo studiū admirantur.

DE EXERCITATIONE AC MEDITATIONE. CAP. LXX.

Felicitudine & cura pax tibi orietur.
 Fili, in vita tua tenta animam tuam.
 Exerce teipsum ad pietatem. Corporalis enim exercitatio ad modicum confert: pietas autem ad omnia utilis est, promissionem habens vitæ quæ nunc est, & futura.

Iob. 11.
 Eccli. 37.
 1. Tim. 4.

Labores longa consuetudine familiares redditi, minore cum molestia ijs ingruunt, qui ijs assueuerint.
 Imitemur eos, qui ad rem militarem se exercent: qui cum in gesticulationibus & saltationibus peritiam collegerint, in se ijs certaminibus vtilitate ea, quam ludus ipsis attulit, perfruuntur.

Basilii.
 Labores leues consuetudo reddit.

Virtus in rebus minimè exercitata, rebus aduersis facile deletur.

Theotim.
 Euagr.

Ex diuturna meditatione & exercitacione vis & feritas perturbationum animi frangitur ac debilitatur.

Assidua exercitatio certam ac firmam scientiam efficit: quemadmodum contra in exercitatio inscitiam parit. Experientiam auget studium illud, quod in ea conteritur. Meditatio scientiæ nutritrix est.

Philo.

DE PECCATORVM AGNITIONE. CAP. LXXI.

QUONIAM iniquitatem meam ego cognosco: & peccatum meum contra me est semper. Iniquitatem meam annuntiabo: & cogitabo pro peccato meo.
 Iustus prior est accusator sui.
 Ante iudicium examina teipsum: & in tempore visitationis inuenies propitiationem. Ne erubescas confiteri peccatum tuum.

psal. 50.
 37.
 Pro. 18.
 Eccli. 18.
 4

DE MULIERIBVS: ET QVOD EAS VIRIS suis subiectas esse oporteat, nec citra eorum authoritatem quicquam facere. CAP. LXXII.

DIXIT Deus mulieri: Ad virum tuum erit conuersio tua, & ipse dominabitur tui.
 Mulier si maritum habuerit, & vouerit aliquid, & semel de ore eius verbum egrediens animam eius obligauerit iuramento: quo die audierit vir, & non contradixerit, voti rea erit, reddetque quodcumque promiserit. Sin autem renuerit vir eius, non manebunt vota: quia vir renuit, & Dominus purificabit eam.

Gen. 3.
 Num. 30.

Mulier quæ virum suum honore afficit, sapiens ab omnibus reputabitur.

Mulieres viris suis subditæ sint, tanquam Domino. Quoniam vir caput mulieris est, sicut & Christus caput est Ecclesiæ, & ipse est caput corporis. Sed vt Ecclesia subdita est Christo, sic & mulieres subditæ sint viris suis. Vnusquisque vxorem suam sicut seipsum diligit: mulier autem, vt timeat virum suum.

Ephes. 5.

Mulieres subditæ sint viris suis: vt & si qui non credunt verbo, per mulierum conuersationem sine verbo lucrifiant, considerantes in timore castam con-

1. Pet. 3.

uersionem. Quarum non sit extrinsecus capillatura, aut circumdatio auri, F
aut indumenti vestimentorum cultus: sed qui absconditus est cordis homo, in incorruptibilitate quieti & modesti spiritus, qui est in conspectu Dei locuples. Sic enim aliquando & sanctae mulieres sperantes in Deo ornabant se, subiectae propriis viris. Sicut Sara obediebat Abrahamae, dominum eum vocans: cuius estis filiae bene facientes, & non pertimentes ullam perturbationem.

DE MULIERIBVS: ET QVOD DETECTA

facie errare, non debeant, nec loqui, aut docere in Ecclesijs.

CAP. LXXIII.

1. Cor. 11.



OS IPSI iudicate: decet mulierem non velatam orare Deum? Nec ipsa natura docet vos, quod vir quidem, si comam nutriat, ignominia est illi: mulier verò si comam nutriat, gloria est illi, quoniam capilli pro velamine ei dati sunt?

14.

Non enim est dissensionis Deus, sed pacis, sicut in omnibus Ecclesijs sanctorum doceo. Mulieres in Ecclesijs tacant, non enim permittitur eis loqui, sed subditi esse, sicut & lex dicit. Si quid autem volunt discere, domi interrogent viros suos. Turpe est enim mulieri loqui in Ecclesia.

1. Tim. 2.

Mulier in silentio discat cum omni subiectione. Docere autem mulieri non H
permitto, neque dominari in virum: sed esse in silentio.

Incerti.

Mulieres ineptam loquacitatem ac susurrationses ex ore suo eijciant: illud in memoria habentes, diabolum, cum in Eva aurem insusurrasset, eam e paradiso expulisse.

DE MULIERIBVS PVERPERIS.

CAP. LXXIIII.

Leuit. 12.



MULIER, si suscepto femine pepererit masculum, immunda erit septem diebus iuxta dies separationis menstruae. Et die octavo circuncidetur infantulus, ipsa verò triginta diebus manebit in sanguine purificationis suae. Omne sanctum non tanget, nec ingreditur in sanctuarium, donec impleantur dies purificationis suae. Si autem foeminam pepererit, immunda erit duabus hebdomadibus, iuxta ritum fluxus menstrui, & sexaginta diebus manebit in sanguine purificationis suae.

Philo.

Fœtus, qui septimo mense in lucem emittuntur, vitales sunt: ita ut mirum aliquid contingat. Vitales etiam sunt, qui septimo mense in lucem eduntur: qui autem octavo, vitales esse nequeunt.

DE MULIERE FORTI, ET CASTA.

CAP. LXXV.

Iud. 4.



ISARA autem fugiens, peruenit ad tentorium Iahel vxoris Haber Cinai. Erat autem pax inter Iabin regem Azor, & domum Haber Cinai. Egressa igitur Iahel in occursum Sifarae, dixit ad eum, Intra ad me, domine mi, intra, ne timeas. Qui ingressus tabernaculum eius, & opertus ab ea pallio, dixit ad eam, Da mihi obsecro paululum aquae, quia sitio valde. Quae aperuit utrem lactis, & dedit ei bibere, & operuit illum. Dixit Sifara ad eam, Sta ante ostium tabernaculi: & cum venerit aliquis interrogans te, & dicens, Numquid hic est aliquis? respondebis, Nullus est. Tulit itaque Iahel vxor Haber clauum tabernaculi, assumens pariter & malleum: & ingressa abscondite, & cum silentio posuit supra tempus capitis eius clauum, percussumque malleo defixit in cerebrum
vique